



## SERVISIO METEOROLÓGIKO DI ANTIANAN HULANDES I ARUBA

Seru Mahuma z/n CURAÇAO, Antianan Hulandes,  
Tel: +599 9 839.3366 Fax: +599 9 868.3999

### KOMUNIKADO PA PRENSA

#### Hos riba Islanan ABC

E hosnan ku a forma djasabra último riba un parti di Kòrsou i ku a kousa lokalmente hopi daño, ta un fenómeno skars, di un eskala hopi chikí i no por pronostiká nan. Ku mas frekuensha ta desaroyá riba laman rònt di nos islanan hos riba awa ku den mayoria kaso ta imkompleto, kaminda ku por mira e “slurf” bou di parti abou di e nubia, solamente pa un parti.

E susesonan aki ta tuma lugá riba nos islanan espesialmente den e periodo entre di ougùstùs i òktober. Un eksepsjon riba esaki tabata un hos chikí ku a pasa 11 di yanüari último riba parti di Santa Catharina. Tambe na algun parti di Aruba a mira durante di último añanan vários hos. Esun mas fresku den memoria t'esun ku a tuma lugá riba 18 di sèptèmber 2004. Te kaminda ku ta konosí no tabatin hos riba Boneiru durante di último tempu.

Riba 29 di sèptèmber 1976 a forma un hos riba mas o ménos e mésun region ku djasabra último. E tempu ei, esaki a forma den serkania di Julianadorp i a move despues di esei den direkshon sùitost over di barionan manera De Savaan i Torequest pa despues e kaba na nada riba Bahia di Valentijn ku ta e parti mas wèst di Schottegat. Pa motibu di e suseso ei un persona a risibí bastante sla mientras ku tres otro hende a haña leshon ménos grave. Daño material tabata konsiderabel.

Kondishonnan ku por lo general ta favorabel pa formashon di hos ta:

- Tiki bientu na suela i na nivelnan mas abou di atmósfera
- Aire kalor i húmedo
- Aire instabil (un bahada mas fuerte ku normal di temperatura ku oumento di altura), ku ta pone aire lanta
- Presensha di suficiente nukleo di kondensashon (kristal di salu) ku ta pone pipita mas grandi di awa den nubia forma mas lihé

Ounke ku e kondishonnan aki ta sosodé kada aña na vários okashon, formashon di un hos ta keda un suseso skars. Pa e motibu aki por menshoná, ku e teknologia aktual, solamente si kondishonnan pa formashon di hos ta favorabel.

---